

Distincións Gallaecia para viños da Ribeira Sacra



Adegueiros agasallados cos diplomas que concede a Asociación de Sumilleres Gallaecia.

Na sede do Consello Regulador da Denominación de Orixe Ribeira Sacra entregáronse os diplomas correspondentes ás "Distincións Gallaecia" que concede a Asociación de Sumilleres Gallaecia. Para o acto de entrega acudiron a presidenta de Gallaecia, Mercedes González; o secretario de cata de Gallaecia, Luís Paadín e o presidente do Consello Regulador da D.O. Ribeira Sacra, José Manuel Rodríguez, ademais dos representantes das adegas con viños premiados. Brancos: Algueira 2010 de Algueira. Sollío 2010 de Victorino Álvarez Rodríguez. Viña Vella 2010 de S.A.T. Virxen dos Remedios. Tintos: Algueira 2008 de Algueira. Cruceiro Rexio 2008 de Ramón Marcos Fernández. Don Ramón 2008 de Don Ramón. Finca A Cuar-

ta 2010 de Santa M^a de Nogueira. Portelo 2010 de Terras de Lincora. Regina Expresión 2008 de Regina Viarum. Sollío 2010 de Victorino Álvarez Rodríguez.

Mercedes González recordou que as Distincións teñen como principal obxectivo defender o viño galego. Agradeceu a colaboración do Consello Regulador da D.O. Ribeira Sacra e a confianza posta no concurso. Destacou o aumento de participación de viños da Denominación, en especial de viños brancos, que fai anos non eran habituais e encomiou a mellora nas elaboracións dos viños de Ribeira Sacra. Pola súa banda José Manuel Rodríguez agradeceu o traballo de Gallaecia a favor do viño e destacou que estes premios son un pulo importante para a

Denominación. Aproveitou José Manuel Rodríguez para resaltar que esta campaña foi record na Denominación: "Foi un ano importante con moi boas condicións para a vendima. Roldar os 7.000.000 de quilos de uva fai pensar que nuns anos se poida chegar aos 10.000.000 de quilos. É necesario que as adegas sigan traballando como ata agora, houbo estabilidade nos prezos, profesionalidade en todos os procesos e todo fai pensar que será un bo ano. A finais de agosto vendéranse 100.000 litros de viño máis que o ano pasado na mesma data e esa tendencia é a que debemos de manter. Só cabe desexar que o ano que vén sexa como o anterior e como este en vendas e, mentres tanto, ver o mercado con tranquilidade."